



23. april 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut Naalakkersuisut siulittaasuata Aleqa Hammondip tusagassiornermut ataqatigiissaarisumik atorfinitsitsisimanera pillugu:

- 1. Julie Rademacher Naalakkersuisut siulittaasuata Aleqa Hammondip tusagassiornermut ataqatigiissaarisuatut Namminersorlutik Oqartussani atorfinitsitsinneqarnikuua taamaassimappat, tamanna qanga piva?**
- 2. Uppernarsarneqassappat Julie Rademacher Namminersorlutik Oqartussani atorfinitsinneqarsimasoq kissaatigaa paasissallugu, Naalakkersuisut siulittaasuata, atorfinnik inuttassarsiunermit tunngatillugu ingerlatsinermit inatsisit malissimanerai.**
- 3. Julie Rademacher Namminersorlutik Oqartussanit atorfinitsinneqarsimangippat, kissaatigaara paasissallugu, qaammammi uani Naalakkersuisut siulittaasuata pisortatigoortumik Københavnimut tikeraarneranut atatillugu Julie Rademacherip angalaqataanera Namminersorlutik Oqartussanit ilaannakoortumik tamakkiisumilluunniit akilerneqarsimanersoq.**

(Inatsisartunut ilaasortaqaq Palle Christiansen, Demokraatit)

### Tungavilersuut

Sermitsiaq.AG-p paasivaa, Naalakkersuisut siulittaasuata Aleqa Hammondip socialdemokraatit sinnerlugit folketingimi ilaasortaasimasoq Julie Rademacher, siulittaasumut tusagassiutinut akisussaasutut imaluunniit tusagassiornermut ataqatigiissaarisutut atorfinitsinneqarsimasoq. Taama nalunaarpoq Sermitsiaq.AG nittartakkamini ulloq 11. arpil.

Aqaguanili Sermitsiaq.AG nalunaarutigisaminik ilumuunnginneraavoq:

*”Namminersorlutik Oqartussat paasissutissiisarfianit tusakulasorsuunngilagut, ullumili piumasaaqarput Julie Rademacherimik, Aleqa Hammondip tusagassiornermut pisortaatus atorfinitsitsisimaneraanerminik, Sermitsiaq.AG ilumuunnginneraassasoq. Namminersorlutik Oqartussanit oqaatigineqarpoq, Tusagassiivimmi tusagassiinermit pisortaqaq suli tassaasoq Sofia Geisler taamaattumik Sermitsiaq.AG peqquneqarpoq oqaluttuani paatsuugassaangitsumik ilumuunnginnerassagaa,”* taama ilaatigut allappoq Sermersitsiaq.AG.

Peqataanik Naalakkersuisoqarfimmi pisortaanerugallartoq Sermitsiaq.AG-p issuarpaq oqartoq, Siulittaasup pisortaqarfiata Siulittaasup Aleqa Hammondip tusagassiornermi ataqatigiissaarisussaanik atorfinitsitsinissani eqqarsaatigigaa. Sermitsiaq.AG-p inerniliuppaa, naatsorsuutigisariaqarlugu Julie Rademacher – atorfinitsinneqarallarsimasoq – Siumumit.

Ulloq 15. april – ullut pingasut qaangiummata – KNR-p nittartagaani atuarneqarsinnaalerpoq Aleqa Hammond Danmarkimittog, siulittaasutut perngaammik pisortatigoortumik angalalluni, ilaatigut ingiallortigalugu tusagassiornermut ataqatigiissaarisoq Julie Rademacher.

Taava apeqqutaalerpoq, Københavnimut angalanerup nalaani Julie Rademacher Siumumit imaluunniit Namminersorlutik Oqartussanit atorfinitsinneqarsimanersoq. Tamanna sooruna pingaaruteqarpoq angalanermit akiliisussaqaq eqqarsaatigalugu. Kisiannili Julie Rademacher Namminersorlutik Oqartussani atorfilittatut angalaqataasimappat taava apeqqutaalissaaq, Naalakkersuisut siulittaasuata atorfik inuttarsarsiorlugu allagarsiinissaaq eqqaamasimaneraa. Taamatummi pisoqartussaavoq pisortani atorfiit



inuttassarsiorneqartillugit. Arlallit eqqaamassagunarpaat folketingip ombudsmandia akulerutsinneqarmat, overborgmester Frank Jensen socialdemokratineersoq, ivertinneqarsimatsiarluni paarteeqatiminik arlalinnik atorfinitsitsimmat.

Folketingip ombudsmandia taamani oqarpoq:

*”Pisortani atorfiit inuttassarsiuunneqartillugit tunngaviusumik piunnaasaqataavoq atorfinitsitsisussap atorfinitsitsisarnissaa, qinnuteqartumik ataatsimut nalileereernerup kingorna, tamanit piginnaaneqarnerpaatut isigineqartumik. Qinnuteqartumik piginnaaneqarnerpaatut isigineqartumik atorfinitsitsiniarnermut atatillugu oqartussaafiup ujartussavai atorfimmu qinnuteqartussat sapinngisamik amerlanerpaat. Tamatuma angunissaanut pingaaruteqarpoq oqartussaafiup atorfik inuttassarsiorlugu sapinngisamik amerlanerpaat takusinnaasaannik allagarsiinissaa, qinnuteqarumaartussanut ilisimaqqullugu atorfik inuttassarsiuunneqartoq, soqutiginnittut qinnuteqarnissaminnut naammaginartumik piffissaqartinneqassasut kiisalu qinnuteqartut akornanni piukkunnartut oqaloqatiginiallugit aggersarneqassasut.”*

(Link: [http://www.ombudsmanden.dk/find/udtalelser/beretningssager/alle\\_bsager/2010-20-4/](http://www.ombudsmanden.dk/find/udtalelser/beretningssager/alle_bsager/2010-20-4/))

Eqqaamangilara Namminersorlutik Oqartussat atorfimmik inuttassarsiuussisimanersut, kisianni aamma imaassinnaavoq Julie Rademacher Aleqa Hammondimut tusagassiornermut ataqatigiissaarisutut angalaqataasimassasoq, Siumumi atorfilittut tassanngalu akiliunneqarluni. Kikkut tamat soqutigaat tamatuma uppersarneqarnissaa.

Apeqqutit akeqquneqarputy ullut sulliviit naliginnaasut qulit qaangiutsinnagit, tigusinermit.